

Broj: 11-17-865/25
Sarajevo, 20.11.2025

Na osnovu člana 69. st. 1. tačka b. i st.2. tačka a. i člana 70. st. 1). i 4). Zakona o javnim nabavkama („Službeni glasnik BiH“, broj 39/14, 59/22 i 50/94), a na Preporuku Komisije za javnu nabavku broj: 11-17-934/25 od 26.11.2025. godine, u konkurentskom zahtjevu za nabavku programskih paketa za informacijsku tehnologiju za potrebe Javne ustanove Federalna novinska agencija, Direktor Javne ustanove Federalna novinska agencija na usaglašen stav sa zamjenikom direktora, d o n o s i

O D L U K U

o poništenju konkurentskog zahtjeva za dostavljanje ponuda – nabavka programskih paketa za informacijsku tehnologiju i to:

LOT 1: Usluga softverskog sistema za praćenje distribucije i korištenje medijskih sadržaja FENA-e na online portalima

i

LOT 2: Usluga razvoja i korištenja mobilnih aplikacija FENA za android i iOS, administratorskog sistema za upravljanjem sadržajem (CMS) po modelu Software as a Service – Saas)

Član 1.

Prihvata se preporuka Komisije za javne nabavke, broj: 11-17-934/25 od 26.11.2025. godine te se poništava LOT 1: Usluga softverskog sistema za praćenje distribucije i korištenje medijskih sadržaja FENA-e na online portalima i LOT 2: Usluga razvoja i korištenja mobilnih aplikacija FENA za android i iOS, administratorskog sistema za upravljanjem sadržajem (CMS) po modelu Software as a Service – Saas) u konkurentskom zahtjevu za nabavku navedenih usluga zato što nije dostavljena nijedna ponuda u određenom krajnjem roku.

Član 2.

Ova Odluka stupa na snagu danom donošenja i dostavit će elektronskim putem ponuđačima koji su dostavili neblagovremene/zakašnjele ponude.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 11-17-830/25 od 11.11.2025. godine.

Predmet javne nabavke podijeljen je na 2 lota i to:

LOT 1: Usluga softverskog sistema za praćenje distribucije i korištenje medijskih sadržaja FENA-e na online portalima

Procijenjena vrijednost (bez PDV-a) iznosi: 15.500,00 KM

LOT 2: Usluga razvoja i korištenja mobilnih aplikacija FENA za android i iOS, administratorskog sistema za upravljanjem sadržajem (CMS) po modelu Software as a Service – Saas)

Procijenjena vrijednost (bez PDV-a) iznosi: 9.000,00 KM.

Ukupna procijenjena vrijednost javne nabavke bez PDV-a (za oba lota) je 24.500,00 KM.

Komisija za javnu nabavku imenovana je Rješenjem broj: 11-17-869/25 od 11.11.2025. godine.

Komisija za nabavku usluge – programskih paketa za informacijsku tehnologiju, objavila je dana 11.11.2025. godine na portalu Agencije za javne nabavke Obavještenje o nabavci broj: 14753-7-2-209-3-31/25 i tendersku dokumentaciju shodno odredbama Zakona o javnim nabavkama i u skladu sa Poslovníkom o radu Komisije. Sažetak obavještenja o nabavci objavljen je u Službenom glasniku BiH broj 69. od 14.11.2025. godine.

Komisija za javnu nabavku dostavila je Zapisnik o zakašnjelim/neblagovremenim ponudama u konkurentskom zahtjevu za dostavljanje ponuda broj: 11-17-932/25 od 26.11.2025. godine, Preporuku za donošenje Odluka o poništenju postupka broj: 11-17-934/25 od 26.11.2025. godine, kao i Izvještaj o radu Komisije broj: 11-17-935/25 od 26.11.2025. godine.

Iz navedene dokumentacije, nesporno proizilazi da su na protokol Agencije dana 26.11.2025. godine stigle 3 neblagovremene ponude tj. poslije roka određenog za dostavljanje ponuda koji je bio 26.11.2025. godine – 10:00 sati. Tačnije, ponuđač OD „ZUBA“ VL. ZUBAČA HAMZA dostavio je ponudu 26.11.2025. godine u 10:10 sati, dok su ponuđači STA D.O.O. LJUBLJANA i APPWORKS D.O.O. dostavili ponudu 26.11.2025. godine u 10:56 sati. Ponuđaču OD „ZUBA“ VL. ZUBAČA HAMZA koji je lično dostavio ponudu na protokol, ista se poslije evidentiranja kod ugovornog organa, lično neotvorena vratila ponuđaču što se dokazuje potpisanim Potvrdom o preuzimanju svoje ponude, dok su se ostalim ponuđačima tj. STA D.O.O. LJUBLJANA i APPWORKS D.O.O. koji su ponudu dostavili poštom, iste dostavile neotvorene preporučenom poštom.

Kako je nesporno da je tenderskom dokumentacijom u tački 3.6. propisano da je „rok za dostavljanje ponuda 26.11.2025. godine do 10:00 sati, a ponude zaprimljene nakon isteka roka za prijem ponuda iz tačke 3.6.2. TD bit će vraćene ponuđaču neotvorene“ te činjenicu da Zakon o javnim nabavkama propisuje u članu 2. da se nepravilnom smatra ponuda koja primljena van roka za dostavljanje ponuda, kao i imajući u vidu član 15. stav (6) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) koji glasi: „Ponuda dostavljena nakon isteka roka za dostavu ponuda ne upisuje se u zapisnik o zaprimanju ponuda, ali se evidentira kod ugovornog organa kao zakašnjela ponuda, obilježava se kao zakašnjela te neotvorena vraća pošiljaocu bez odgode“, komisija je donijela preporuku kojom predlaže direktoru i zamjeniku direktora, donošenje Odluka o poništenju postupka za oba LOTA. Nadalje, Komisija u svom izvještaju o radu navodi da je i u Obavještenju o nabavci broj: 14753-7-2-209-3-31/25 od 11.11.2025. godine, a koje je objavljeno na portalu javnih nabavki, također jasno navedeno da je rok za prijem ponuda 26.11.2025. godine - 10.00 sati, a otvaranje ponuda zakazano za isti dan tj. 26.11.2025. godine u 11:00 sati.

Uvidom u priloženu dokumentaciju, nesporno je da su se ispunili uslovi za poništenje postupka javne nabavke u skladu sa članom 69. stav 1. tačka b) i stav 2). tačka a. Zakona o javnim nabavkama jer nije dostavljena nijedna ponuda u određenom krajnjem roku; odnosno jer su dostavljene ponude nepravilne u skladu sa članom 2. alineja 1 – tačka 3. Zakona o javnim nabavkama.

U postupku donošenja ove Odluke, posebno su cijenjene činjenice da je Komisija, pravilno i potpuno, postupila, odnosno u postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke te je nesporno da su se ispunili uslovi za poništenje postupka javne nabavke.

Iz navedenih razloga, primjenom člana 69. stav 2) tačka a. Zakona o javnim nabavkama, te u skladu s internim aktima odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba ugovornom organu (Javna ustanova Federalna novinska agencija) u skladu s članom 101. stav 5) Zakona o javnim nabavkama BiH, najkasnije u roku od 5 (pet) dana od dana prijema ove Odluke.



Potpis odgovornog lica

DIREKTOR

Dostaviti:

- Ponuđačima koji su dostavili neblagovremene ponude
- a/a